

Samband sveitarfélaga á Suðurnesjum
Skógarbraut 945
235 Keflavíkurflugvöllur

Reykjavík 10. janúar 2019
UST201811-054/K.S.J.
10.04.01

Efni: Svæðisskipulag Suðurnesja 2008 - 2024 - breytingar

Vísað er til erindis Svæðisskipulagsnefndar Suðurnesja er barst 6. nóvember sl. þar sem óskað er umsagnar Umhverfisstofnunar um drög að breytingum á svæðisskipulagi Suðurnesja 2008 – 2024.

Í erindi kemur fram að áætlaðar breytingar felast í breyttri afmörkun á vatnsverndarsvæði í Reykjanesbæ, uppfærðu flugbrautarkerfi Keflavíkurflugvallar og uppfærðu vatnsverndarkorti fyrir Suðurnesin.

Vatnsverndarsvæði

Í drögum kemur fram að núverandi vatnsból Reykjanesbæjar eru við Hafnir og í Lágum Einnig kemur fram að forsenda breytinga á vatnsverndarsvæði sunnan Fitja er að ÍSOR gerði úttekt 2016 og niðurstaða var að óhætt væri að breyta afmörkun á svæðinu sunnan Fitja. Á svæðinu var áður skilgreint fjarsvæði, en svæðið er ekki á vatnasvæði núverandi eða tilvonandi vatnsbóla ofan Voga.

Reykjanesbær hefur áætlað að svæðið fyrir sunnan Fitja verði fyrir þrífalega starfsemi s.s. netþjónabú og gagnaver. Á svæðinu eru vistgerðirnar hraungambravist, eyðimelavist og svo eru þar manngerð svæði.

Umhverfisstofnun gerir ekki athugasemd við breytingartillöguna enda er norðurhorn fjarsvæðisins ekki á vatnasviði núverandi vatnsbóla.


Breyting á flugbrautarkerfi Keflavíkurflugvallar



Í breytingartillögu kemur fram að verið er að breyta flugbrautarkerfi Keflavíkurflugvallar til samræmis við staðfest aðalskipulag Keflavíkurflugvallar og að við það hliðrast hindrunarfletir vegna flugumferðar um brautina.

Í umhverfisskýrslu kemur fram að tilfærsla á NV/SA braut lendir hluti íbúðabyggðar á Ásbrú innan 55 dB(A) hljóðlínu og við jaðar athafnasvæðis á Ásbrú norður mælist hávaði á bilinu 55 dB(A) – 60 dB(A). Umhverfisstofnun bendir á að í íbúðarhúsnæði þarf að gera ráðstafanir við slíkar aðstæður til að bæta hljóðvist innan dyra. Einnig kemur fram í umhverfisskýrslu að þéttbýlið í Garði lendi innan áhrifasvæðis nýrrar N/S flugbrautar og að þar megi ætla að íbúar verði fyrir óþægindum. Að mati Umhverfisstofnunar er mikilvægt að skoðaðir verði möguleikar á úrbættum vegna hljóðvistar í hýbýlum ef með þarf.

Virðingarfyllt


Kristín S Jónsdóttir
Sérfræðingur


Axel Benediktsson
Sérfræðingur